

Inspira*si*

TERKINI DI UPSI



UNIVERSITI
PENDIDIKAN
SULTAN IDRIS

SULTAN IDRIS EDUCATION UNIVERSITY

Bil 23: 8 Julai 2024

Perhimpunan UPSI meriah!

Tanjong Malim, 3 Julai - Perhimpunan Bulanan Edisi Julai 2024 Universiti Pendidikan Sultan Idris (UPSI) kali ini dimeriahkan dengan pelbagai program istimewa dan menarik.

Perhimpunan ini merupakan acara bulanan di UPSI bagi mengeratkan lagi silaturahim dan hubungan baik sesama warga UPSI.

Fakulti Sains Kemanusiaan (FSK) dengan kerjasama Bahagian Pengurusan Risiko dan Keselamatan & Kesihatan Pekerjaan (ROSH), Jaringan Integrasi Teras Universiti (JITU) dan Pusat Sukan telah menerajui perhimpunan itu dengan melibatkan semua Pusat Tanggungjawab (PTJ).

Majlis itu disempurnakan oleh Naib Canselor UPSI, Profesor Datuk Dr Md Amin Md Taff dengan merasmikan Majlis Peluncuran UPSI ke arah Kampus Rendah Karbon, Revolusi Keselamatan Jalan Raya, Hari Keluarga UPSI dan Karnival Sukan Staf (KUESTA) UPSI yang berlangsung di Stadium UPSI Kampus Sultan Azlan Shah, UPSI.

Semasa menyampaikan amanat pada majlis itu, beliau berkata UPSI menyambut baik inisiatif dalam merencanakan Pelan Tindakan Universiti ke arah aplikasi teknologi hijau dan melaksanakan program berkonsepkan

kelestarian alam sekitar kawasan kampus bagi mencapai pengurangan pelepasan karbon UPSI sehingga 45 peratus pada tahun 2030 seperti yang digariskan dalam Polisi SDG UPSI.

"Ini adalah satu pencapaian yang baik dan permulaan dalam merealisasikan inisiatif UPSI sebagai kampus rendah karbon," ujar beliau. Untuk rekod, FSK dan Fakulti Sains Matematik (FSM) UPSI telah menerima anugerah pensijilan provisional dalam Majlis Anugerah Bandar Rendah Karbon 2023 disampaikan oleh Menteri Sumber Asli dan Kelestarian Alam, Nik Nazmi Nik Ahmad, Februari lepas. UPSI mempunyai sistem solar yang dipasang di beberapa kawasan termasuk kompleks sukan, tapak pesta konvokesyen, bangunan fakulti dan beberapa kawasan lain dalam usaha untuk mengurangkan pelepasan karbon dengan penggunaan tenaga boleh baharu yang sifar karbon selain daripada menjimatkan bil elektrik kampus.

Sehubungan itu, Dekan FSK, Profesor Ts. Dr. Nor Kalsum Mohd Isa, berkata, majlis peluncuran ini adalah bagi mendukung aspirasi negara dalam membina Malaysia Madani dengan masyarakat yang lebih cakna terhadap nilai dan kepentingan memelihara alam sekitar serta keharmonian dalam kehidupan seharian. "Saya berharap agar hasrat murni penganjuran acara ini dapat memperkukuhkan rasa kekitaan dan kemesraan dalam kalangan seluruh warga UPSI seterusnya menjadi pendorong kepada hasil kerja yang lebih produktif serta bermutu tinggi," tambah beliau.



PENERAJU KEBITARAAN PENDIDIKAN



Tanjong Malim, 2 Julai- Telah berlangsungnya Program Jalinan Pendidikan Serumpun bersama Universitas Mataram pada 9.00 pagi tadi. Program ini dihadiri oleh 100 orang delegasi dari Indonesia, terdiri daripada 96 pelajar pascasiswazah dan 4 orang pengiring dari

Universitas Mataram.
Delegasi ini diketuai
oleh Drs. H. Lalu
Zulkifli, Dekan Fakultas
Keguruan dan Ilmu
Pendidikan, bersama
tiga pengiring: Dr.
Sudirman Usman,
Pengelola Program
Studi Magister
Administrasi
Pendidikan; Dr. Asrin,
Pengelola Magister

Pendidikan Dasar; dan Puan Sri Subarinah, Sekretaris Pengelola Magister Pendidikan Dasar. Turut hadir bersama adalah Dr. Salam Alfirisi, pensyarah Fakulti Muzik dan Seni Persembahan yang juga merupakan penylaras bagi program ini.



Kuala Lumpur, 30 Jun
- Majlis Perwakilan Pelajar (MPP) Universiti Pendidikan Sultan Idris (UPSI) dijemput untuk menyertai satu program anjuran Agensi Anti Dadah Kebangsaan (AADK) yang dinamakan 'Tomorrow Leader Peringkat Kebangsaan 2024' dan Simposium Sains Penagihan Dadah Kebangsaan (SSPDK). Program ini adalah inisiatif untuk membentuk dan melatih pemimpin masa depan dengan penekanan khusus terhadap kesedaran dan pencegahan

dadah dalam kalangan pelajar institusi pengajian tinggi.

Pegawai dari AADK Daerah Batang Padang, Haszihan Mohd Adi Munir ditugaskan sebagai Pegawai pengiring bagi delegasi UPSI. Haszihan bertanggungjawab memastikan keselamatan dan kebajikan peserta sepanjang program berlangsung serta memberikan sokongan yang diperlukan.

Program 'Tomorrow
Leader Peringkat
Kebangsaan 2024'

dan Simposium Sains Penagihan Dadah Kebangsaan (SSPDK) ini bertujuan untuk memberikan pendedahan kepada para peserta mengenai bahaya dan kesan penyalahgunaan dadah serta langkah-langkah pencegahan. Melalui aktiviti yang dijalankan, peserta didedahkan dengan teknik kepimpinan yang efektif, kemahiran komunikasi, dan strategi membina kesedaran dalam komuniti masing-masing.



Tanjong Malim, 1 Julai - Delegasi dari Universitas Negeri Semarang (UNNES) mengadakan lawatan ke Pusat Penyelidikan Perkembangan Kanak-Kanak Negara (NCDRC), Universiti Pendidikan Sultan Idris (UPSI) pada 1 Julai lalu. Lawatan ini bertujuan untuk menggali fasiliti dan perkhidmatan yang terdapat di TASKA dan TADIKA serta memperluas kolaborasi dalam penyelidikan perkembangan kanak-kanak.

amalan sebagai pusat penyelidikan yang diakui di peringkat antarabangsa yang berperanan untuk mempromosikan pemahaman mendalam tentang perkembangan kanak-kanak dari segi jasmani, emosi, rohani, intelek dan sahsiah. Selain itu, pihak NCDRC juga berperanan penting dalam menyokong pendidikan awal kanak-kanak di Malaysia dengan menyediakan panduan terkini dalam perkembangan kanak-kanak.

NCDRC melakukan
lawatan yang
merangkap kolaborasi
awal dari pihak
UNNES bagi berkongsi

Tujuan utama lawatan ini adalah bagi meninjau fasiliti dan perkhidmatan di TASKA

dan TADIKA. Delegasi UNNES melalui jaringan yang dibina oleh Prof. Madya Dr. Abdul Halim Masnan berminat untuk melihat pengurusan dan penyeliaan kanak-kanak, pendekatan pendidikan, serta kemudahan keselamatan dan keselesaan. Selain itu, pihak UNNES juga berhasrat untuk memperluas kerjasama dengan NCDRC dalam bidang penyelidikan perkembangan kanak-kanak. Hal ini melibatkan pertukaran idea, penyelidikan bersama, dan inisiatif pendidikan awal kanak-kanak yang berkesan.



Tanjong Malim

Kunjungan Hormat Institut Pendidikan Indonesia Garut ke UPSI



Colouring for Fun@Karnival Kesihatan 1.0



**Mahasiswa FKMT Lawat
ESCAPE**



'Coding Kickstart: Beginner Bootcamp' Pupuk Minat Mahasiswa Pelajari Ilmu Coding, Dedah Peluang Kerjaya Bidang Teknologi